

AD PATRES FUNERAL HOME TA HABRI SU PORTANAN OFICIALMENTE

ORANJESTAD(AAN): -- 'Ad Patres Funeral Home' a habri su portanan riba diasabra ultimo, na Van Rensse-laerstraat 2 na San Nicolas.

Esaki cu un ceremonia den oranan di atardi, caminda tabata presente entre otro, ministro di Salubridad Publico Lily Beke.

Señora Beke a revela e plachi riba e edificio, cu e number di e funeraria nobo.

Djei a sigui pues e festividadnan paden, den presencia di gerencia di Ad Patres.

E funeraria ta den man di famia Rodriguez y lo wordo maneha pa Antoine Rodriguez.

Riba e fotonan hunto cu e articulo, por mira e famia, Chico Rodriguez hunto cu su señora Sylvia, su yiu muher-

nan Desiree y Russette cu su casa Carlos, y tambe Antoine Rodriguez.

Ad Patres ta situa caminda Joe Margaretha tabata tin su funeraria anteriormente.

Señor Margaretha tabata esun cu a acerca señor Rodriguez cu e idea pa lanta un funeraria na San Nicolas.

Te awor, habitantenan di pariba di brug tabata tin mester di acudi cerca un di e funerarianan na Playa.

Esaki lo no ta necesario mas como cu di awor en adelante, pariba di brug tin su propio funeraria, cla pa sirbi e famianan.

Di parti di DIARIO, palabranan di pabien y exito na Ad Patres y su propietario.

Riba e fotonan hunto cu e articulo, un impresion di e apertura oficial.

